



C/2024/1741

23.2.2024

Réamhfhógra faoi chomhchruinniú
(Case M.11471 – INVESINDUSTRIAL / FASSI HOLDING)

Cás a d'fhéadfaí a chur faoin nós imeachta simplithe

(Téacs atá ábhartha maidir le LEE)

(C/2024/1741)

1. An 15 Feabhra 2024, fuair an Coimisiún fógra maidir le comhchruinniú atá beartaithe, fógra a tugadh de bhun Airteagal 4 de Rialachán (CE) Uimh. 139/2004 ón gComhairle ⁽¹⁾.

Baineann an fógra seo leis na gnóthais seo a leanas:

- Investindustrial S.A. (Investindustrial, Lucsamburg),
- Fassi Holding S.r.l. (Fassi Holding, an Iodáil), atá faoi rialú aonair ag Gestioni S.p.A. (Gestioni, an Iodáil), atá faoi rialú deiridh ag an duine nádúrtha an tUasal Giovanni Fassi.

Gheobhaidh Investindustrial rialú aonair, de réir bhrí Airteagal 3(1)(b) den Rialachán um Chumaisc, ar Fassi Holding ina iomláine.

Baintear an comhchruinniú amach trí bhíthin ceannach scaireanna.

2. Is iad seo a leanas gníomhaíochtaí gnó na ngnóthas lena mbaineann:

- Is grúpa infheistíochta Eorpach é Investindustrial, atá déanta suas de chuideachtaí infheistíochta, cuideachtaí sealbhaíochta agus seirbhísí comhairleacha airgeadais atá á mbainistiú go neamhspleách. Díríonn sé ar thrí réimse infheistíochta: tomhaltóirí agus fóillíocht, sláinte agus seirbhísí agus monarú tionsclaíoch.
- Is é Fassi Holding cuideachta shealbhaíochta de chuid grúpa Fassi, atá gníomhach go príomha i dtairgeadh agus i ndíol (i) craenacha lódála agus (ii) ardaitheoirí crúca agus scioplóidair ar an leibhéal domhanda.

3. Tar éis réamhscrúdú a dhéanamh, is é cinneadh an Choimisiúin go bhféadfadh an t-idirbheart ar tugadh fógra ina leith a bheith faoi raon feidhme an Rialacháin um Chumaisc. Ach forchoimeádtar an cinneadh críochnaitheach maidir leis sin.

De bhun an Fhógra ón gCoimisiún maidir le cóireáil shimplithe le haghaidh comhchruinnithe áirithe faoi Rialachán (CE) Uimh. 139/2004 ón gComhairle maidir le comhchruinnithe a rialú idir gnóthais ⁽²⁾, ba cheart a thabhairt faoi deara go bhféadfaí an cás seo a chur faoin nós imeachta a leagtar amach san Fhógra.

4. Iarrann an Coimisiún ar thríú páirtithe leasmhara aon bharúlacha a bheadh acu maidir leis an oibríocht atá beartaithe a chur faoi bhráid an Choimisiúin.

Ní mór na barúlacha a bheith faighte ag an gCoimisiún tráth nach déanaí ná 10 lá tar éis dháta foilsithe an fhoilseacháin seo. Ba cheart an tagairt seo a leanas a lua i gcónaí:

M.11471 – INVESINDUSTRIAL / FASSI HOLDING

Is féidir barúlacha a sheoladh chuig an gCoimisiún le ríomhphost nó tríd an bpost. Baintear úsáid as na sonraí teagmhála:

R-phost: COMP-MERGER-REGISTRY@ec.europa.eu

Seoladh poist:

European Commission
Directorate-General for Competition
Merger Registry
1049 Bruxelles/Brussel
BELGIQUE/BELGIË

⁽¹⁾ IO L 24, 29.1.2004, lch. 1 (an 'Rialachán um Chumaisc').

⁽²⁾ IO C 160, 5.5.2023, lch. 1.